

tos atque pertinaces ad *perrumpendum nisus* perpendimus: Non possumus, quin magis pro *activis, destinatis,* & ad *finem* illum institutis *motibus*, eosdem agnoscamus.

Sunt vero *fines* isti, ad quos *motus* tales tendunt, vel *generales*, vel *speciales*. *Generales* sunt 1. *propressio* sanguinis restagnantis, qui, propter *spissitudinem* suam solito maiorem, *impulsus* quoque maiorem requirit. 2. *Molimen* seu *intentio*, penitus *exprimendi* aliquam eius quantitatem. *Speciales*, sunt *determinationes* huiusmodi motuum, congestionum & expressionum, ad *certa* praecipue loca, ad *excretiones* huiusmodi prae aliis apta. Hi *posteriores* praecipue motus sunt illi, qui & minus attente considerari, & tamen frequentissime obversari solent.

Sunt vero *duplices*: *Alter* plane incommodus, valde inutilis, & gravioribus malis viam sternens: *Vomitus cruentus*. *Alter* vero, longe magis commodus; & si de caetero bene succedat, inter alia mala, *hypochondriaca*, eorumque pericula, *salubrior*: *haemorrhoides*, & quidem internae. Huic, cum in foeminis praeludat, & causam eius quadantenus intercipiat, *mensium* fluxus; quamdiu hic recte & expedite succedit, nullae istius oriuntur turbae, nisi forte enormis *siccitas alvi*, partim immediate, de quo supra, partim mediate, per *fortissimum conatum expressorinum*, ad talem concitationem magis violenter & fortuito concurrat. Si vero *mensium* successus restitare occipiat, aut per aetatem cesset, aut sub tempus cessationis, fortius *prorumpens*, *adstringentibus* medicationibus cito & violenter cohibitus sit; *dieta* vero plena, calida aut *vinosa* & *sedentaria*, cum iracundis, aut *moestis* animi pathematibus, continuetur, imo forte tunc demum suscipiatur: Tunc demum increbescunt & ingravescunt haec *splenetico-haemorrhoidalia*, aut *splenico-emetica* cruenta, partim molimina, partim symptomata.

Quo